

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ১৭১/২০১৭-১৮

ঢাকা, বৃহস্পতিবার ১ মার্চ ফেব্রুয়ারি ২০১৮, ১৭ ফাল্গুন ১৪২৪

আজকের দৈনিক পত্রিকাগুলো নিম্নলিখিত বিষয় প্রাথমিক দিয়ে খবর ছেপেছে :

- ১। দুর্নীতি করলে শাস্তি পেতেই হবে : সংসদে প্রধানমন্ত্রী
- ২। সরকার তথ্যপ্রযুক্তি ব্যবহার করে মানুষের জীবনমানের উন্নয়নে কাজ করছে : প্রধানমন্ত্রী
- ৩। সংসদ অধিবেশন সমাপ্ত : ১৫টি বিল পাস
- ৪। প্রধানমন্ত্রীর সাথে তিন নারী নোবেল বিজয়ীর সাক্ষাৎ
- ৫। এশিয়ার অর্থনৈতিক শক্তিতে পরিণত হওয়ার বিপুল সম্ভাবনা রয়েছে বাংলাদেশের :  
প্রধানমন্ত্রীর সাথে সাক্ষাৎকালে এডিবি প্রেসিডেন্ট
- ৬। সরকারি ক্রয় সংক্রান্ত মন্ত্রিসভা কমিটিতে ১৩ প্রস্তাব অনুমোদন
- ৭। জগিবাদ প্রতিরোধে ব্যাংকিংসহ অনলাইন লেনদেনে নজরদারি বাঢ়ানো হচ্ছে : শিল্পমন্ত্রী
- ৮। সংযুক্ত আরব আমিরাত ধাপে ধাপে বাংলাদেশীদের জন্য শ্রমবাজার উন্মুক্ত করবে : পররাষ্ট্র প্রতিমন্ত্রী
- ৯। দ্বিতীয় পদ্মা সেতু এবং যেকোনো বড় প্রকল্পে ঋণ দিতে আগ্রহী এডিবি
- ১০। আজ শুরু হচ্ছে হজের মূল নিবন্ধন

১। দুর্নীতি করলে শাস্তি পেতেই হবে : সংসদে প্রধানমন্ত্রী

সন্ত্রাস, জঙ্গিবাদ ও দুর্নীতির বিরুদ্ধে কঠোর ছাঁশিয়ারি উচ্চারণ করে প্রধানমন্ত্রী শেখ হাসিনা বলেছেন, আমরা চাই দেশ এগিয়ে যাক, উন্নত হোক। কেউ দুর্নীতি করলে তাকে শাস্তি পেতেই হবে। সন্ত্রাস-জঙ্গিবাদে যুক্ত কিংবা অপরাধী যেই হোক, শাস্তি তাকে পেতেই হবে। কাউকেই ছাড় দেওয়া হবে না। সন্ত্রাস-জঙ্গিবাদ ও দুর্নীতিকে প্রশ্রয় দেওয়া হবে না। সে যে দলের লোকই হোক। বাংলাদেশকে অপরাধীদের অভয়ারণ্য হতে দেওয়া হবে না। গতকাল (২৮ ফেব্রুয়ারি বুধবার) জাতীয় সংসদে ১৯তম অধিবেশনের সমাপনী ভাষণে তিনি এসব কথা বলেন। সূত্র-ভোরের কাগজ (পৃ.১,ক.১), ইতেফাক (পৃ.১,ক.৭), ইভিপেনডেন্ট (পৃ.১,ক.১), নিউজ টুডে (পৃ.১,ক.৪)।

২। সরকার তথ্যপ্রযুক্তি ব্যবহার করে মানুষের জীবনমানের উন্নয়নে কাজ করছে : প্রধানমন্ত্রী

প্রধানমন্ত্রী শেখ হাসিনা বলেছেন, তাঁর সরকার তথ্যপ্রযুক্তি ব্যবহার করে মানুষের জীবনমানের উন্নয়ন এবং জীবনযাত্রাকে আরও সহজ করার জন্য কাজ করে যাচ্ছে। তিনি ২০২১ সালের মধ্যে বাংলাদেশকে মধ্যম আয়ের দেশ এবং ২০৪১ সাল নাগাদ উন্নত সমৃদ্ধ করে গড়ে তুলতে তাঁর দৃঢ় প্রত্যয় পুনর্ব্যক্ত করে বলেন, কৃষকের ছেলে শিক্ষা নিয়ে কৃষিকাজে যাবে না, এ মনোভাব যেন না থাকে। কৃষিকে আধুনিক পদ্ধতিতে যান্ত্রিকীকরণ করা হচ্ছে, ফলে কৃষির যে জ্ঞান তারা পাবেন নিজের বাবা-মায়ের কাছ থেকে তাকে তারা ভবিষ্যতে কাজে লাগাতে পারবেন। প্রধানমন্ত্রী গতকাল (২৮ ফেব্রুয়ারি বুধবার) দেশব্যাপী ই-কৃষি সেবা সম্প্রসারণের লক্ষ্যে ডিজিটাল প্লাটফর্ম ‘কৃষি বাতায়ন’ এবং ‘কৃষক বন্ধু ফোন সেবা’র উন্নোধনকালে একথা বলেন। গণভবন থেকে ভিডিও কনফারেন্সের মাধ্যমে এ দুটি সেবার উন্নোধন করেন তিনি। এ সেবার মাধ্যমে দেশের মানুষ কৃষিবিষয়ক সকল ধরনের তথ্য পাবে। কোনো সমস্যা হলে তা সঙ্গে সঙ্গে সমাধান করতে পারবে। মোবাইল ফোনের মাধ্যমে ৩০৩১ নম্বরে ফোন করে যে কোনো কৃষক কৃষি কর্মকর্তার কাছ থেকে তথ্য নিতে পারবেন। সূত্র-সংবাদ (শেষ পৃ.,ক.১), ইতেফাক (পৃ.৩,ক.৬), ডেইলি সান (পৃ.২,ক.২), ডেইলি স্টার বিজনেস পাতা (পৃ.১,ক.১)।

৩। সংসদ অধিবেশন সমাপ্ত : ১৫টি বিল পাস

জাতীয় সংসদের ১৯তম অধিবেশন গতকাল (২৮ ফেব্রুয়ারি বুধবার) শেষ হয়েছে। স্পিকার ড. শিরীন শারমিন চৌধুরী কর্তৃক রাষ্ট্রপতি মোঃ আবদুল হামিদের অধিবেশন সমাপ্তি সম্পর্কিত ঘোষণা পাঠের মাধ্যমে অধিবেশন সমাপ্ত হয়। এর আগে সংসদ নেতা ও প্রধানমন্ত্রী শেখ হাসিনা সমাপনী ভাষণ দেন। এছাড়া বিরোধীদলীয় নেতা বেগম রওশন এরশাদ সমাপনী বক্তব্য দেন। পঁয়ত্রিশ কার্যদিবসের এ অধিবেশনে ১৫টি সরকারি বিল পাস হয়। সূত্র-সংবাদ (পৃ.২,ক.৭), জনকঠ (পৃ.১,ক.১)।

৪। প্রধানমন্ত্রীর সাথে তিন নারী নোবেল বিজয়ীর সাক্ষাৎ

মিয়ানমারের রাখাইন প্রদেশে রোহিঙ্গা জনগোষ্ঠীর ওপর নৃশংসতাকে গণহত্যা হিসেবে অভিহিত করে তিন নারী নোবেল বিজয়ী বলেছেন, এ নৃশংসতার জন্য দায়ীদের অবশ্যই বিচারের মুখোমুখি করতে হবে। তাঁরা প্রধানমন্ত্রী শেখ হাসিনাকে ‘দয়ালু মা’ অভিহিত করে বলেন, রোহিঙ্গাদের প্রত্যাবাসনের জন্য বাংলাদেশের এখন বেশি করে আন্তর্জাতিক সহায়তা প্রয়োজন। গতকাল (২৮ ফেব্রুয়ারি বুধবার) গণভবনে প্রধানমন্ত্রী শেখ হাসিনার সঙ্গে এক সাক্ষাৎকালে তাঁরা একথা বলেন। এই তিন নারী নোবেল বিজয়ী হলেন, শিরিন এবাদি, মাহিরিয়াদ ম্যাগুইয়ার ও তাওয়াকুল কারমান। প্রধানমন্ত্রী শেখ হাসিনা ১৯৭৭ সাল থেকে কিভাবে বাংলাদেশে রোহিঙ্গারা পালিয়ে আসতে শুরু করে তা বর্ণনা করেন। তিনি বলেন, বাংলাদেশ মানবিক দৃষ্টিকোণ থেকে রোহিঙ্গাদের আশ্রয় দিয়েছে। প্রধানমন্ত্রী এ সংকট সমাধানে মিয়ানমার সরকারের ওপর চাপ প্রয়োগ করতে তাঁর আহ্বান পুনর্ব্যক্ত করেন। সূত্র-ইতেফাক (পৃ.১৫,ক.৭), ইনকিলাব (পৃ.১,ক.৬), ডেইলি সান (পৃ.৩,ক.২), ডেইলি স্টার (পৃ.১,ক.৮)।

৫। এশিয়ার অর্থনৈতিক শক্তিতে পরিণত হওয়ার বিপুল সম্ভাবনা রয়েছে বাংলাদেশের :  
প্রধানমন্ত্রীর সাথে সাক্ষাৎকালে এডিবি প্রেসিডেন্ট

সফররত এশীয় উন্নয়ন ব্যাংকের (এডিবি) প্রেসিডেন্ট তাকাহিকো নাকাও প্রধানমন্ত্রী শেখ হাসিনার নেতৃত্বে বাংলাদেশের আর্থসামাজিক অসামান্য অগ্রগতির ভূয়সী প্রশংসা করে বলেছেন, এশিয়ার একটি অর্থনৈতিক শক্তি হিসেবে বাংলাদেশের এগিয়ে যাওয়ার বিপুল সম্ভাবনা রয়েছে। গতকাল (২৮ ফেব্রুয়ারি বুধবার) প্রধানমন্ত্রীর সঙ্গে তাঁর সরকারি বাসভবন গণভবনে এডিবি প্রেসিডেন্টের সৌজন্য সাক্ষাৎকালে তিনি আরো বলেন, চীন ও ভারতের মতো এশিয়ার অর্থনৈতিক শক্তি হিসেবে বাংলাদেশের এগিয়ে যাওয়ার বিপুল সম্ভাবনা রয়েছে। অনেক দেশ বিনিয়োগের জন্য বাংলাদেশের দিকে তাকিয়ে রয়েছে। এডিবি ১৯৭৩ সাল থেকে আর্থসামাজিক উন্নয়নের জন্য বাংলাদেশে কাজ করে যাচ্ছে উল্লেখ করে তাকাহিকো নাকাও বলেন, দেশের আরো অর্থনৈতিক উন্নয়নে তারা সহযোগিতা দিতে প্রস্তুত। তিনি বলেন, ‘আমরা বাংলাদেশের সঙ্গে বিদ্যুৎ, পরিবহণ এবং অন্যান্য খাতে কাজ করতে আগ্রহী।’ এডিবি প্রেসিডেন্টকে বাংলাদেশে স্বাগত জানিয়ে প্রধানমন্ত্রী বলেন, তাঁর সরকারের লক্ষ্য হচ্ছে তৃণমূল লোকদের উন্নয়ন নিশ্চিত করা। তিনি বলেন, ‘আমরা চাই জনগণ স্বাচ্ছন্দে জীবনযাপন করুক এবং এ জন্য আমরা তাদের জন্য নানা কল্যাণমূর্তী কার্যক্রম গ্রহণ করেছি।’ সূত্র-ইত্তেফাক (শেষ পৃ.ক.৫), ইভিপেনডেন্ট (পৃ.৯,ক.২), ডেইলি স্টার (পৃ.২,ক.১)।

৬। সরকারি ক্রয় সংক্রান্ত মন্ত্রিসভা কমিটিতে ১৩ প্রস্তাব অনুমোদন

চট্টগ্রামের মীরসরাই অর্থনৈতিক অঞ্চলের ভূমি উন্নয়নের কাজসহ ১৩ ক্রয় প্রস্তাব অনুমোদন দিয়েছে সরকারি ক্রয় সংক্রান্ত মন্ত্রিসভা কমিটি। এতে ব্যয় হবে ৩ হাজার ৩১৭ কোটি ৪৮ লাখ টাকা। এর মধ্যে বিদ্যুৎ, জলালানি ও খনিজ সম্পদ মন্ত্রণালয়ের বিদ্যুৎ খাতের ৭টি ক্রয় প্রস্তাব রয়েছে। গতকাল (২৮ ফেব্রুয়ারি বুধবার) সচিবালয়ে মন্ত্রিপরিষদ বিভাগের সম্মেলনকক্ষে অর্থমন্ত্রী আবুল মাল আবদুল মুহিতের সভাপতিত্বে সরকারি ক্রয় সংক্রান্ত মন্ত্রিসভা কমিটির বৈঠকে এসব প্রকল্পের অনুমোদন দেওয়া হয়েছে। সূত্র-জনকর্ত্তা (পৃ.১,ক.৮)।

৭। জঙ্গিবাদ প্রতিরোধে ব্যাংকিংসহ অনলাইন লেনদেনে নজরদারি বাড়ানো হচ্ছে : শিল্পমন্ত্রী

জঙ্গিবাদ প্রতিরোধ ও জঙ্গি অর্থায়ন রূখতে কুরিয়ার সার্ভিস, মোবাইল ব্যাংকিংসহ সব অনলাইন লেনদেনে নজরদারি আরও বাড়ানোর সিদ্ধান্ত নিয়েছে সরকার। সদেহজনক জঙ্গি অর্থায়ন নজরদারি করতে একটি কমিটি গঠন করা হয়েছে। গতকাল (২৮ ফেব্রুয়ারি বুধবার) সচিবালয়ে স্বরাষ্ট্র মন্ত্রণালয়ের সভাকক্ষে জঙ্গিবাদ প্রতিরোধ কমিটির অষ্টম সভাশেষে কমিটির সভাপতি শিল্পমন্ত্রী আমির হোসেন আমু এ তথ্য জানান। সূত্র-সংবাদ (শেষ পৃ.ক.৩), ইভিপেনডেন্ট (পৃ.১,ক.৮), ডেইলি স্টার (পৃ.৩,ক.১)।

৮। সংযুক্ত আরব আমিরাত ধাপে ধাপে বাংলাদেশিদের জন্য শ্রমবাজার উন্মুক্ত করবে : পররাষ্ট্র প্রতিমন্ত্রী

সংযুক্ত আরব আমিরাত ধাপে ধাপে বাংলাদেশিদের জন্য শ্রমবাজার উন্মুক্ত করবে। এ বিষয়ে দেশটির পররাষ্ট্রমন্ত্রী ঢাকাকে চিঠিও দিয়েছে বলে জানিয়েছেন পররাষ্ট্র প্রতিমন্ত্রী মো. শাহরিয়ার আলম। একই সঙ্গে প্রস্তাবিত বৈশ্বিক কাঠামোতে যাতে প্রবাসী শ্রমিক ও অনাবাসী বাংলাদেশিদের স্বার্থ সংরক্ষিত হয় এ লক্ষ্যে সরকার কাজ করে যাচ্ছে যা এ বছরই চূড়ান্ত হবে বলে জানান তিনি। গতকাল (২৮ ফেব্রুয়ারি বুধবার) রাজধানীর সিরডাপ মিলনায়তনে ‘বিশ্ব পরিমঙ্গলে নিরাপদ, সুশৃঙ্খল ও নিরাপদ অভিবাসন’ বিষয়ক আন্তঃসরকার আলোচনা অনুষ্ঠানে তিনি একথা জানান। সূত্র-সংবাদ (শেষ পৃ.ক.১), জনকর্ত্তা (শেষ পৃ.ক.১), নিউজ টুডে (শেষ পৃ.ক.২)।

৯। দ্বিতীয় পদ্মা সেতু এবং যেকোনো বড় প্রকল্পে ঝণ দিতে আগ্রহী এডিবি

সরকার চাইলে দ্বিতীয় পদ্মা সেতু নির্মাণে অর্থায়ন করবে এশীয় উন্নয়ন ব্যাংক (এডিবি)। এছাড়া বাংলাদেশের যে কোনো বড় প্রকল্পেও অর্থায়ন করার আগ্রহ রয়েছে সংস্থাটি। প্রতিশ্রুত ঝণ সহায়তার বাইরে এডিবি এসব অর্থায়ন করবে। গতকাল (২৮ ফেব্রুয়ারি বুধবার) সফররত এডিবির প্রেসিডেন্ট তাকাহিকো নাকাও ঢাকা কার্যালয়ে

এক সংবাদ সম্মেলনে একথা বলেন। সূত্র-সমকাল (শেষ পৃ.ক.২), জনকর্ত্ত (পৃ.১,ক.৮), ডেইলি সান (শেষ পৃ.,ক.২), ডেইলি স্টার বিজনেস পাতা (পৃ.১,ক.২)।

**১০। আজ শুরু হচ্ছে হজের মূল নিবন্ধন**

আজ শুরু হচ্ছে চলতি বছর হজে গমনেচ্ছু প্রাক-নিবন্ধিতদের নিবন্ধন। চলবে ১১ মার্চ পর্যন্ত। গতকাল (২৮ ফেব্রুয়ারি বুধবার) ধর্মবিষয়ক মন্ত্রণালয়ের এক বিজ্ঞপ্তিতে এ তথ্য জানানো হয়। সূত্র-জনকর্ত্ত (পৃ.১,ক.১)।

**সম্পাদকীয়**

- ক. **সংবাদ :** যানজটের কারণে ভবিষ্যতে রাজধানীতে যানবাহনের গড়গতি আরও কমবে আঙ্গর্জাতিক বিশেষজ্ঞদের এ তথ্যে উদ্বেগ প্রকাশ করে ঘনবসতিপূর্ণ এ শহরকে বাসযোগ্য করতে বিকেন্দ্রীকরণের মেগা প্রজেক্ট নেওয়ার ওপর গুরুত্বারোপ।
- খ. **সমকাল :** দৌলতদিয়া-কুষ্ঠিয়া আঞ্চলিক মহাসড়কের পাশে রাজবাড়ী জেলার বিভিন্ন জায়গা থেকে গত কয়েক দিনে প্রায় অর্ধকোটি টাকার বৃক্ষ কেটে নিয়ে গেছে দুর্বন্তরা উল্লেখ করে এ ধরনের ঘটনার সাথে জড়িতদের শনাক্ত করে কঠোর শাস্তির দাবি।
- গ. **যুগান্তর :** তৈরি পোশাক ও টেক্সটাইল খাতের প্রধান কাঁচামাল তুলা আমদানির পর চট্টগ্রাম বন্দরে বিলম্বের কারণে হয়েরানি, আর্থিক ক্ষতি এবং বিভিন্ন ধরনের অনিষ্টয়তার মুখে পড়তে হচ্ছে আমদানিকারকদের উল্লেখ করে এ খাতে বিশ্ববাজারে প্রতিযোগিতার বিষয়টি বিবেচনায় নিয়ে কনটেইনার ছাড় ও অন্যান্য প্রক্রিয়া দ্রুত সম্পন্ন করার সুপারিশ।
- ঘ. **ইভিপেনডেন্ট :** ২০১৭ সালে মাধ্যমিক পর্যায়ে স্কুল থেকে ছাত্রদের তুলনায় ছাত্রীদের ঝারেপড়ার হার বেশি হওয়ার পরিপ্রেক্ষিতে এর প্রকৃত কারণ অনুসন্ধান করে সে অনুযায়ী পদক্ষেপ নেওয়ার সুপারিশ।
- ঙ. **ডেইলি সান :** পাঁচ লাখ নির্মাণ শ্রমিককে হাউজিং এন্ড বিল্ডিং রিসার্চ ইন্সটিউটের অধীনে বিশ্বমানের প্রশিক্ষণের দ্বারা দক্ষ করে গড়ে তোলার উদ্যোগের সাফল্য কামনা।
- চ. **নিউ এজ, নিউ নেশন :** উপজেলা হেলথ কমপ্লেক্সে চালু করা অসংক্রামক রোগের কর্ণারের চিকিৎসাসেবার সুযোগ-সুবিধা বাড়ানোর মাধ্যমে গ্রামের দরিদ্র রোগীদের চিকিৎসা ব্যয় কমানোর ব্যবস্থা করার সুপারিশ।
- ছ. **নিউজ টুডে :** সকল পর্যায়ের পাবলিক পরীক্ষার প্রশ্নপত্র ফাঁস প্রতিহত করতে সম্পূর্ণ পরীক্ষার সিস্টেমকেই সংশোধন করে নতুন করে গঠন করার ওপর গুরুত্বারোপ করে সম্পাদকীয় প্রকাশ।

**নিবন্ধ ও ফিচার**

সংবাদ পত্রিকায় প্রকাশিত ‘কৃষিপণ্য উৎপাদন ও লাভজনক করার কৌশল’ শিরোনামের নিবন্ধে অভিমত প্রকাশ করা হয়েছে, কৃষিপণ্যের উপযুক্ত মূল্য প্রাপ্তি ও বাজারজাতকরণে দক্ষতা বৃদ্ধির লক্ষ্যে সমবায়ভিত্তিক বিপণন ব্যবস্থা গড়ে তুলতে হবে।

#

